

Nahoana Isika no Avelan'Andriamanitra Hijaly? Fizarana 1

Miorina amin'ny boky *Inona Marina no Ampianarin'ny Baiboly?* toko 11, azo jerena ato amin'ny jw.org.

TANJONA: Hamantatra hoe inona no inoanao ary nahoana, handinika izay ampianarin'ny Baiboly, ary hijery ny fomba hanazavana an'izay inoanao amin'ny hafa.



ANDRIAMANITRA VE NO TOKONY HOMEN-TSINY?

1 FANTARO IZAY INOANAO

Nahoana ny olona sasany no mety hamaly hoe eny?

Nahoana ny olona sasany no mety hamaly hoe tsia?

Ary *ianao*, inona no inoanao?

Nahoana ianao no mino an'izany?

Tsy tian'i Jehovah hijaly isika.
(Jereo ny boky *Ampianarina*, toko 11, fehintsoratra 1-5.)

Vakio ny 1 Petera 5:7.

Nahoana io andinin-teny io no manaporofo fa tsy tian'i Jehovah hijaly isika?

Vakio ny Joba 34:10.

Avy amin'Andriamanitra ve ny fijaliana?



Ny mpanamboatra fiara ve no tompon'andraikitra rehefa misy mpamily mandika ny lalàn'ny fifamoivoizana? Ny Mpamorona koa ve no tokony homen-tsiny rehefa misy olana, nefa ny olona ihany no nahatonga izany?

I Satana sy ny vokatry ny fikomiany no tena mahatonga ny fijaliana.

(Jereo ny boky *Ampianarina*, toko 11, fehintsoratra 6-9.)

Vakio ny 1 Jaona 5:19 sy ny Apokalypsy 12:9.

Ahoana no ampisehoan'ireo andinin-teny ireo fa i Satana no tena te hampijaly antsika?

Vakio ny Mpitoriteny 4:1 sy ny 8:9 ary ny 9:11.

Inona koa no mahatonga antsika hijaly indraindray, ankoatra ny zavatra ataon'ny Devoly?

Nahoana no mampahery ny mahalala fa tsy tian'Andriamanitra hijaly isika, ary hanampy antsika izy rehefa misy olana isika?

3

HAZAVAO IZAY INOANAO

RAHA MISY MITENY HOE...

Tsy miraharaha ny fijaliansika Andriamanitra.

DIA AZONAO VALIANA HOE...

Betsaka ny olona mieritreritra an'izany. Tsy mino an'izany anefa aho satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?

RAHA MISY MITENY HOE...

Andriamanitra no mifehy an'izao tontolo izao, ka tsy maintsy ho avy aminy ny zava-dratsy rehetra mitranga.

DIA AZONAO VALIANA HOE...

Betsaka ny fivavahana mampianatra an'izany. Izaho kosa anefa mino hoe i Satana no tena mifehy an'izao tontolo izao satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?
